




Broj: 01/1-50 - 3-1-24/16
Veza broj: 01,-02-02-1-24/15
Sarajevo, 1.2.2016.



PREDSJEDAVAJUĆOJ PREDSTAVNIČKOG DOMA

Na osnovu člana 120. u vezi s članom 122. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15 i 97/15), Ustavnopravna komisija Predstavničkog doma Parlamentarne skupštine Bosne i Hercegovine dostavlja sljedeći

IZVJEŠTAJ

o Prijedlogu zakona o štrajku zaposlenih u institucijama Bosne i Hercegovine

Predstavnički dom je na 23. sjednici, održanoj 12.1.2016., usvojio u prvom čitanju Prijedlog zakona o štrajku zaposlenih u institucijama Bosne i Hercegovine, predlagača Vijeća ministara BiH, koji se razmatra po osnovnom zakonodavnom postupku.

Ustavnopravna komisija je na 24. sjednici, održanoj 1.2.2016., razmatrala Prijedlog zakona o štrajku zaposlenih u institucijama Bosne i Hercegovine u drugoj fazi pred nadležnom komisijom.

Amandmane na tekst prijedloga zakona podnio je poslanik Šefik Džaferović.

Nakon rasprave, Komisija je usvojila sljedeće amandmane koji glase:

Amandman I.

U članu 10. stav (3) mijenja se i glasi: „Vijeće za mirno rješavanje spora dužno je u roku od sedam dana od dana imenovanja stranama u sporu dostaviti prijedlog za rješenje spora ili konstatirati da mirno rješavanje spora nije uspjelo.”

U članu 10. stav (4) mijenja se i glasi: „Strane u sporu dužne su u roku od tri dana od dana dostavljanja očitovati se o tome da li prihvataju ili ne prihvataju prijedlog vijeća za mirno rješavanje spora.”

U članu 10. iza stava (4) dodaje se novi stav (5) koji glasi: „Ako strane u sporu prihvate prijedlog vijeća za mirno rješavanje spora iz stava (4) ovog člana, on postaje obavezujući i za zaposlene i za poslodavce.”

Amandman II.

U članu 13. stav (2) iza riječi: „sporno pitanje” stavlja se tačka, a ostatak teksta briše se.

Amandman III.

U članu 23. u stavu (1) brišu se riječi: „Zaposleni i”.

Nakon rasprave, Komisija je s pet glasova „za“ dva glasa „protiv“ i bez glasova „suzdržan“:

- usvojila tekst Prijedloga zakona o štrajku zaposlenih u institucijama Bosne i Hercegovine sa usvojenim amandmanima i predlaže Predstavničkom domu njegovo usvajanje.

Komisija je za izvjestiteljicu na sjednici Predstavničkog doma imenovala prvu zamjenicu predsjedavajućeg Ustavnopravne komisije Aleksandru Pandurević.

PRVA ZAMJENICA
PREDSJEDAVAJUĆEG KOMISIJE
Aleksandra Pandurević
Aleksandra Pandurević

Dostaviti:

- Kolegiju Predstavničkog doma
- a/a